



თბილისის სააპელაციო სასამართლო გ ა ნ ჩ ი ნ ე ბ ა

საქართველოს სახელით
საჯარო შეტყობინების შესახებ

საქმე №2ბ/406-11

21 მარტი, 2011 წ.

ქ. თბილისი

თბილისის სააპელაციო სასამართლოს
სამოქალაქო საქმეთა პალატა
მოსამართლე თეა სოხაშვილი-ნიკოლაიშვილი

საქმის განხილვის ფორმა – ზეპირი განხილვის გარეშე.

კერძო საჩივრის ავტორი – კორპორაცია „კაპიტალ მენეჯმენტ ინვესტმენტი“

მოწინააღმდეგე მხარეები – მიხეილ მგალობლიშვილი, შპს „კატრი“, შპს „ტრასეკა გრუპ პოლდინგი“, დავით მენთეშაშვილი, მიხეილ ნიკოლაიშვილი, ნუგზარ ბერიშვილი, ზურაბ მარგველაშვილი, ვლადიმერ ცომაია, სს „საქართველოს ბანკი“, საქართველოს მთავარი პროკურატურა

დავის საგანი – ხელშეკრულების ბათილად ცნობა, ზიანის ანაზღაურება

გასაჩივრებული განჩინება – თბილისის საქალაქო სასამართლოს სამოქალაქო საქმეთა კოლეგიის 2010 წლის 18 ოქტომბრის განჩინებით შეწყდა საქმის წარმოება კორპორაცია „კაპიტალ მენეჯმენტ ინვესტმენტის“ სარჩელზე, მოპასუხების - მიხეილ მგალობლიშვილის, შპს „კატრის“, შპს „ტრასეკა გრუპ პოლდინგის“, დავით მენთეშაშვილის, მიხეილ ნიკოლაიშვილის, ნუგზარ ბერიშვილის, ზურაბ მარგველაშვილის, ვლადიმერ ცომაიას, სს „საქართველოს ბანკისა“ და საქართველოს მთავარი პროკურატურის მიმართ, ხელშეკრულების ბათილად ცნობისა და ზიანის ანაზღაურების თაობაზე.

აალატამ გამოარკვია:

თბილისის საქალაქო სასამართლოს სამოქალაქო საქმეთა კოლეგიის 2010 წლის 18 ოქტომბრის განჩინებით შეწყდა საქმის წარმოება კორპორაცია „კაპიტალ მენეჯმენტ ინვესტმენტის“ სარჩელზე, მოპასუხების - მიხეილ მგალობლიშვილის, შპს „კატრის“, შპს „ტრასეკა გრუპ პოლდინგის“, დავით მენთეშაშვილის, მიხეილ ნიკოლაიშვილის, ნუგზარ ბერიშვილის, ზურაბ მარგველაშვილის, ვლადიმერ ცომაიას, სს „საქართველოს ბანკისა“ და საქართველოს მთავარი პროკურატურის მიმართ, ხელშეკრულების ბათილად ცნობისა და ზიანის ანაზღაურების თაობაზე.

აღნიშნულ განჩინებაზე კერძო საჩივარი წარადგინა კორპორაცია „კაპიტალ მენეჯმენტ ინვესტმენტმა“ და გასაჩივრებული განჩინების გაუქმება და საქმის არსებითად განხილვისათვის იმავე სასამართლოსათვის დაბრუნება მოითხოვა.

თბილისის სააპელაციო სასამართლოს სამოქალაქო საქმეთა პალატის 2011 წლის 23 თებერვლის განჩინებით კერძო საჩივარი მიღებული იქნა წარმოებაში და დაინიშნა საქმის განხილვა ზეპირი მოსმენით, 2011 წლის 16 მარტს 16:00 საათზე.

2011 წლის 23 თებერვალს საქმის განხილვა გადაიდო იმ მოტივით, რომ არ ჩაბარდა უწყება მოწინააღმდეგე მხარეებს - მიხეილ მგალობლიშვილსა და ნუგზარ ბერიშვილს. აღნიშნულ პირებს საქმეში არსებულ მისამართზე რამოდენიმეჯერ გაეგზავნათ უწყება, მაგრამ ჩაბარება ვერ მოხერხდა.

სამოქალაქო საპროცესო კოდექსის 78-ე მუხლის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით. სასამართლო უწყება მხარისათვის ჩაბარებულად ითვლება სასამართლო შეტყობინების შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებიდან ან გაზეთში ან ინფორმაციის სხვა საშუალებებში გამოქვეყნებიდან მე-7 დღეს.

ვინაიდან, მოწინააღმდეგე მხარეებისათვის მიხეილ მგალობლიშვილისა და ნუგზარ ბერიშვილისათვის უწყებების ჩაბარება სხვაგვარად ვერ ხერხდება, პალატა თვლის, რომ მათ საჯარო შეტყობინებით უნდა ეცნობოთ სასამართლო სხდომის დღის შესახებ.

სააპელაციო პალატა თვლის, რომ საჯარო შეტყობინება უნდა გავრცელდეს თბილისის სააპელაციო სასამართლოს ვებ-გვერდზე განჩინების გამოქვეყნების გზით.

სამოქალაქო საქმეთა პალატამ იხელმძღვანელა საქართველოს სსკ-ის 78-ე, 390-ე, მუხლით და

დ ა ა დ გ ი ნ ა :

1. ეცნობოთ მიხეილ მგალობლიშვილს და ნუგზარ ბერიშვილს, რომ თბილისის სააპელაციო სასამართლოს სამოქალაქო საქმეთა პალატის წარმოებაშია სამოქალაქო საქმე №2ბ/406-11 კორპორაცია „კაპიტალ მენეჯმენტ

ინვესტმენტის“ კერძო საჩივრისა გამო, მოწინააღმდეგე მხარეების - მიხეილ მგალობლიშვილის, შპს „კატრის“, შპს „ტრასექა გრუპ ჰოლდინგის“, დავით მენთეშაშვილის, მიხეილ ნიკოლაძეშვილის, ნუგზარ ბერიშვილის, ზურაბ მარგველაშვილის, ვლადიმერ ცომაიას, სს „საქართველოს ბანკის“, საქართველოს მთავარი პროკურატურას მიმართ ხელშეკრულების ბათილად ცნობისა და ზიანის ანაზღაურების თაობაზე.

2. ეცნობოთ მიხეილ მგალობლიშვილს და ნუგზარ ბერიშვილს, რომ სასამართლო სხდომა დანიშნულია 30.03.2011წ. 16.00 საათზე. სხდომა გაიმართება თბილისის სააპელაციო სასამართლოში (თბილისი, გრ. რობაქიძის 7ა, დარბაზი №13).
- 3.
4. განემარტოთ მიხეილ მგალობლიშვილს და ნუგზარ ბერიშვილს, რომ სასამართლო უწყება მათთვის ჩაბარებულად ითვლება საჯარო შეტყობინების განხორციელებიდან მეშვიდე დღეს.
5. განჩინების გამოქვეყნება განხორციელდეს თბილისის სააპელაციო სასამართლოს ვებ-გვერდზე
6. განჩინებაზე კერძო საჩივრის წარდგენა არ დაიშვება.

მოსამართლე:

თეა სოხაშვილი-ნიკოლაძეშვილი